

10
28
Gulielmo Tertio,

Terra Marique


PRINCIPI INVICTISSIMO,

IN GALLOS PUGNA NAVALI

NUPERRIME DEVICTOS

Carmen Heroicum.

Authore *Edmundo Chishull* A. B.
è C. C. C. Oxon.




O X O N I A,

E THEATRO SHELDONIANO.

Prostant apud *Joh. Crofley*, MDCXCII.

5



GALLI PUGNA NAVALI NUPERRIME DEVICTI.

QUÆ mala Phœbæos valeat nunc lingua furores
 Carpere? Quis mihi nunc Parnassi filius alter
 Invidiam conscire, sacrumque refellere carmen
 Audeat? Ingentem dicturus namque *Wilhelmum*,
 Canturusque Heroa meum, & laturus in astra;
 Ecce! inconsuetis levor intra Sydera pennis:
 Attonitum cum Calliope pertunderè plectrum,
 Et socias inter videor discumbere Musas.

Nasside, Diis orte genus, ter maxime Regum,
 Cui nunc bellanti latèque tua arma moventi
 Et Tellus Pontusque & magnus militat æther;
 Fas mihi sit, Placidis fas sit recitare Camænis,
 Ut ferus Armatam Ruffellus in æquore classem
 Rexerit; ut pavidi trepidarint per mare Galli
 Navibus amissis, ut Toque tuamque *Mariam*
 Et nos Vobiscum æquarit Victoria coelo.

Ecce, dies aderat (quem Quis sperare futurum
 Quis modo de populo potuit sperare Britanno?)
 Cum sævam assueti fugiendo eludere pugnam.

Et longâ dudum infames torpedine Galli
 Mutatis animis, mutato pectore fortes,
 Anglicas magno naves clamore petebant.
 Stulti! namque illos tunc in sua damna furentes
 Vindex immisit Deus; & quæ prima videbat
 Audaces, eadem audaces lux ultima vidit.

Non mora: continuæ depugnant *ordine longo*
 Magna mole rates, & fata ruentia miscent.
 Extemplo flammas, & fumos ignibus atris
 Commistos Tormenta vomunt, revomuntque vicissim
 Plumbea materies, quam pigram provida quondam
 Natura esse dedit, tardamque effinxit eundo;
 Nunc tamen & ventis, & nimbis ocyor ipfis
 Evolat; hinc atque hinc missio furit ira metallo:
 Tum verò gemere antennis, malosque relabi,
 Et nautas fractis vidisses fidere remis.
 Præcipue immanis liquidum ferit æthera clangor:
 Et magnos latera edebant impulsa fragores.
 ¶ Namque cavit multo quassatæ verbere quercus,
 Ingentes sonitus, & magna voce querelas
 Ingeminant: quondam nil tale in montibus altis
 Perpeſſi, quamvis inimica tonitrua sæpe,
 Sæpe Jovem iratum, & fulmen sensere trifidum.

* aer inter
 pugnan-
 dum tran-
 quillus.

* Nullus tunc Auster, Boreasve immitior Austro
 Vel mare vel latas vexavit turbine terras:

Sed

Sed folis vano Æolidum sine numine fratrum,
Solis, (sic Dii jusserunt) conceditur Anglis,
Concutere Oceanum, mundumque ciere tumultu.
Sed coeli, dic Musa, fuit quæ causa quieti?
Scilicet immissi prima inter prælia Venti,
Cum pugna aerias violaverat acrior alas;
Optavere suis potius dormire cavernis,
Clamoresque hominum, & strepitus timuere tubarum,
Ergo domos abeunt; & qui non hostibus olim,
Qui non terga malis verterunt, nunc tamen *albas*
Afflicti referunt pudibundo vulnere pennas.
Illos increpitans patrio vix Æolus antro
Claudebat, timido quamvis stridere querentes
Pulvereos tonitrus, & verbera Bombardarum.
Quinetiam & trepidi turbata per æquora pisces
Fugere, & notos liquit gens cæcula nidos.
Passim alias quærunt sedes Rhombusque Lupusque;
Et Tu, qui quamvis homines bene gratus amore
Prosequeris, tamen odisti fera prælia Delphin.
Sola omnes inte *Balana Britannica* mansit,
Et palmam *patriis* optavit fida carinis.
Tanta mali insurgit moles, tantusque Profundi
Vexat aquas urgetque furor! Vix Tu tibi Regnis
Ipse tuis constare Pater Neptune valebas;
Sed maris imperium cessit Martique Jovique:

GALLI PUGNA NAVALI

Mars pugnat, mediis at Jupiter intonat undis.

Verum age Calliope, & siquæ jam major avena
Sit tibi; percurrere Angligenas, tot nomina magna,
Heroas, nostræque duces ediffere classis.
En! primum in summâ *Russellum* agnosco carinâ;
Ashbeiumque aliâ tendentem in parte per æquor.

* *Ashbeio*
carulea clas-
sis præfesto.

* Huic Dea *caruleos* *Fortuna* induta colores

Invigilat semper, *maloque agitabilis* hæret:

* *Russellum*
rubra classis
præfesto.

* Ast illum *Bellona rubris* circumvolat alis;

Sanguine cui facies, cui tinctæ sanguine plumæ.

Te quoque Te *Delavalle*, & proxime Te *Delavalle*

Rooke canam, & celsis in puppibus arma *Shovelli*.

Infelix post hos, tristisque loquende Camæna

Infelix *Cartere* venis; quem bellica quamvis

Magnum inter magnos jactet Britannia natos;

Nunc tamen amissum & crudeli morte peremptum

Chara sinu tegit, atque tegit *Port-moutha* per ævum.

O summa Angliacæ Ductores gloria gentis!

O animi innati bellis, verèque Britanni!

Contra quos & voce suâ Dextrisque minaces,

Quid mare, Quid Venti adversi potuere? Quid aer?

* *nebula cu-*
ter pugnan-
dum oborta.

Nigraque lux, piceoque dies *obnubila coelo;

Tanquam *invidisti* nostris Natura triumphis?

Quid potuere tuus timor *Amsreville*, pudendus

Gabareti timor, & *Torvilli ingloria* Virtus?

Heu *Torville*! Tuus te præcipitem dedit ardor;
 Pernix ambitio, & nimis sitis aspera famæ:
 Dum super-attollens animum, & communia temnens
 Ausus es *ipsum* regimen tibi poscere * SOLIS.
 Demens! nam tantâ misere spe lusus abiisti:
 Et *Phaetontæum* pateris temerarie fatum.
 Atqui Marte prius, belloque strepente micabat
 Inclytus, atque aliquo mala tanta redemit honore;
 Cum proræ coram insistens, atque invida vibrans
 Arma, & *Ruffello* fretus se opponere contra,
 Edebat trepidæ specimen mirabile pugnæ
 Æmula funesto committens regna duello.
 Hos circa furor & strepitus, certissimus iræ
 Vultus, & affiduo fervens Bellona tumultu.
 Disploro hic illic Bombardæ pulvere frangunt
 Æthera; fumantes certant, & *nubibus atris*
 Galliacum cunctæ gaudent perfundere SOLEM.
 Utitur ille malo, & densâ caligine tectus
 Retrogradum pertentat iter; multoque timore
 Nota Thyestææ reparat miracula cænæ.
 Sic quoque credibile est, rapidi trans Hellesponti
 Littora currebat Xerxes; non talia quondam
 Militiadisque umbris, gentique minatus Achivum.
 Sic etiam Actiacam infelix Antonius oram
 Navigio amisso & disiectâ classe legebat:

* Quod erat
 nomen prae-
 toria navis in-
 dictum.

Nec

GALLI PUGNA NAVALI

Nec jam amor, & trepidum tenuit Cleopatra marium.
 Tum vero attoniti pugnam sentire labantem,
 Atque *suum* Galli fugientem cernere *Phœbum*.
 Raptim omnes illum per iniqua per æqua sequuntur.
 Non salebræ scopulive, aut cætera dura viarum
 Præcipiti turbæ, mortemque timentibus obstant.
 Sed dum *Martis opus* post puppem & terga relinquunt,
 Et quæ terribiles jaculantur fata Britanni;
 Haud metuere quibus poterant occurrere fati.
 Tum si fortè vias properans tendebat in istas
 Accipiter, peteretve oras Jovis ales easdem;
 Frustra ii tentarunt Gallos superare volando
 Æmuli, & à timido vinci doluere popello.

Sed me Sacra jubet verumque æquumque referre
 Musa, nec in turpes mentiri turpia Gallos.
 Quinque quidem toto præclaræ ex ordine puppes
 Quas olim intrepidis tulit aptas Gallia bellis,
 Solæ non tumidas victæ fugere per undas.
Namque omnes postquam lassatæ vulnere crebro
 Uda admiserunt adopertis æquora rimis;
 Subsidunt, Glaucique petunt penetralia Nerei,
 Non iterum æthereas redituræ in luminis oras.
 Illas nempe Pater Vulcanus, sive (profundum
 Cui paret) sortem miserans Neptunus iniquam,
 Dedecori exemit tanto, famæque sinistra.

Cætera

Cætera turba ruit, Boreas quâ deferat illam
Aut Ponti furor, aut remis connisâ Juventus.
Frustra: nam quamvis nautum defudet, & omnes
Alliciat ventos Antennis; sed tamen usque
A tergo propendet inevitabile lethum:
Nec minus arte citâ Victor dat vela Britannus.
Unum est illud opus totas impellere puppes
Vi validâ, & manibus fortes urgere rudentes.
Jussâ dabant procures, at vulgus jussâ capeffit:
Invisam obnixa pariter deperdere gentem
Et classem æquoreis jurati sternere campis.

Tu quoque *suspectæ* Vindex acerrime *fama*,
Quamvis jam *Cartere* nihil nisi nomen & umbra,
Sic tamen, ô! *sic* Tu pullatâ in nave fugaces
Opprimis, Augusto victosque cadavere terrens,
Virtutem ostentas etiam post fata *fidelem*.
Scilicet extinctum ferali vulnere corpus
Plus vincit, *majorque* metus fugientibus instas.
Olim qui rutilis ardentia lumina flammis
Viventisque ducis dextram timuere furentem;
Nunc *numen* divine tuum *Cartere* verentur,
Atque animam, extremi residens quæ in vertice cœli
Obliquis oculis, Gallosque averfa tuetur.
Angligenûm interea pubes comitatur euntem
Arma fremens, prædæque inhians miranda Juventus.

Nec non magna ducum jam tunc audacia claret,
 Atque æquanda ipsis ultro fiducia coelis.
 Pervolitant illi, & *Torvillum* per mare quærunt;
Torvillum ventos poscunt atque æquora: quamvis
 Nil replicant venti, nil æquora perfida contra.
 Jamque deos, & vos Britannæ conscia famæ
 Numina testor! ----Ad illius felicia lucis
 Gaudia, nil Mavors potuit, nil Jupiter Ipse,
 Nil vel *Russellus* potuit super-addere majus;
 Si comitem ulterius sivissent sidera nobis.
Hastinum, & tanto indulissent alma triumpho.
 At non sic placitum. -- Sic magnus, sic quoque magnus
 Trojam qui vicit, victam non vidit Achilles:
 Nec debellatæ spoliū aspectavit Iernæ
Boyniacis moriens Senior *Schombergus* in arvis.
 At pia dilacerata latusque & carbasa puppis,
 Obstipo nutans capite, & *salsa* æquora libans
 Quæis poterat magni fato *illachrymare* Magistri;
 Vix tandem in mœstâ exanimem deponit arenâ.
 Ille miser latè porrectus frigida membra,
 Mactatusque sacros *tormento* immaniter artus,
 Dormit in æternum, & jam *ferrea* somnia sentit.
 Quin Vos Angligenûm Heroes, quos scilicet istis
 Dat superesse istis melior fortuna Trophæis;
 Ite boni, terrete feros facto agmine Gallos:

Infida

Infida infidis immergite corda sub undis,

Et saturate avidos infandis navibus ignes.

Me pius *Hastings*, me nunc pius ille, meumque

Carmen ad inferias, cinerisque ad busta requirit.

Illum mœrentes focii, tristissima turba

Atrato curru attollant, multumque gementes

Quadrupedes temone *feras* conjungere certant.

Quadrupedes jam non dicendas: namque minutim,

Nec totis gressus pedibus glomerare videntur:

Nec repetita quatit trepidam quarta ungula terram.

Fræna sed irriguo foedantes ærea fletu,

Dejectique caput *mirandis* luctibus ibant:

Quales credibile est illos ivisse caballos,

Qui circum patrios traxerunt Hæctora muros,

Aut prius extinctum quales vexere Patroclum.

At tristis solatus equos Auriga, dicaram

Funeribus sedem, Londiniaque arva petebat;

Cum procul, Urbs totos passim diffusa per agros,

Turba senum juvenumque, atque *ipsa* in vestibis atris

Tristitia, & magni facie pendente *dolores*

Occurrunt. Quin *ipsa* etiam (si credere fas est)

Ipsa Sepulchrales induta *Maria* colores,

Ipsa Sacris aderat, tumuloque addebat honorem.

Magnates, civesque piis bona cuncta precantes

Manibus, & versis in terram turpiter armis

Lugentum turmæque equitum, peditumque catervæ,

Deproperant omnes umbris celebrare supremis

Funera; suspirantque, & dicunt ultima verba.

Felix quod cineres servabit nobile saxum!

Felix! namque illic fervebunt horrida circum

Prælia, disiectique natabunt æquore Galli.

Felix! nam puro descriptas marmore laudes

Hæstingique feret nomen per secula: nec jam

Aut numeris opus est vestris, aut Carmine Musæ.

Quis me nunc Deus, æthereas Quis tollet in auras

Candidus, atque loco faciet consistere in illo,

Quem veteres *Magnum* dixerunt nomine *Portum*;

At mea *Port-moutham* primum ausa vocare Camæna est?

Grates Phoebe tibi! Tu me per inane volantem

Terras Phoebe doces contemnere: Tu mihi pennas

Sufficis, optatamque dedisti invisere sedem.

En rerum facies mirabilis! Ecce novorum

Mutatum aspicio Genium Vultumque locorum.

Scilicet ut Pontus scopulique & littora rident!

Totus candidior solito splendescere campus,

Et quasi jam vernos contemnere gestit honores.

Quin fallor, ludensque oculos decepit imago;

Aut hic nunc reduces emensis fluctibus Anglos,

Plaudentesque rates ornantia lintea nosco.

Nempe *grnum* quondam Pygmæis qualis ab oris

Victrix

Victrix turba redit; pennis stridentibus illi
Mutua surreptæ gratantur gaudia prædæ;
Confractis crepitant hastis, & spicula jactant
Detorta, atque ipsos avectos unguibus hostes:
Tales Magniloqui Britones narrare vicissim.
Millia præteritæ evitata pericula pugnæ,
Et domitos *non caelesti sine numine* Gallos.
Hic partas convectat opes, hic vulnera curat;
Ille cruentatos humeros sibi tergit; at alter
Terribilem ostendit media inter vincula nautam
Ligericâ in ripa, Rhodanive ad flumina natum.
Suspiciensque aliquis superas sic dixit ad auras;
"Dii faveant lætis; & qui tam magna dederunt,
"Dent etiam nostro longe majora *Wilhelmo*.

Sed Tu, Musâ, mali fugiens mendacia vulgi
Sermonesque leves & viles despice cœtus:
Egregiam invisens *malo fluitante* carinam;
Ductores ubi magnanimi sedere per orbem,
Conventus sacer Heroum, prænobilis ordo:
Gratia quos placide obstreperis super-imminet alis
Veracique nitens Victoria candida vultu.
Hos inter grave consilium, & communia jura
Tres magnis missi procures de rebus agebant;
Primus quem felix *comitem Rocheftria* jactat,
Nec non à Populo dudum expectatus Hiberno

Sidneius Pater; & simul illis Quis fuit alter
 Quem genere exortum Batavo, *Portlandia* primum
 Angliacæ adscripsit patriæ, gentique Britannûm?
 Jam sonus & rauci strepitus procul, altaque circum
 Quamvis *tam letas* tenuere silentia mentes:
 Cum fidus, linguaque simul præclarus & armis
 Surgit, circuituque decentia lumina torquet
 Sic tandem affari incipiens *Rocheſtrius Heros*.

“O Quibus impunè in liquidis dominarier arvis
 Magnarumque dedit regnum *Gulielmus* aquarum;
 Sub Quorum ferus auspiciis turgescere Pontus
 Gaudet, & immensum ventus perflare profundum;
 Accipite innumeras mater quas Anglia grates
 Munificos adoperta sinus, gremiumque relaxans,
 Vobis & vestris defert fidissima dextris.
 Per Vos terribilis vexati *Bellua* mundi
 Horruit, infandumque dedit *Ludovicus* ab imo
 Corde fremens gemitum. Per Vos celeberrima classis,
 Gallaque supremam sensit Gens victa ruinam.
 Scilicet *has* metuens frontes, *hæc* ora pavescens,
 Atque *hos* quos *præſens* video stupeoque lacertos.
 Proh quales hominum vultus, faciesque, manusque;
 Qualia defixus fortissima corpora lustrò;
 Quæ posthac variis lucebunt splendida donis,
 Magnaque cum magnâ referent quoque præmia famâ!

Fas etenim egregias nunc expectare *corollas* ;
Torques, excultasque auro rutilante *catenas*,
 * Pulchraque cæruleis signata *numismata* Divis ;
 Plurima quæ vobis multo meditatur honore
 Munera, magnificos auctura *Maria* triumphos.
 Nunc etiam in Flandris (non lævè credimus) oris,
 Ipse mero frontem laxat meliore *Wilhelmus* :
 Regalemque animum lautæ ad convivia mensæ
 Exhilarans, hæc gesta ducum memoranda suorum
 Jactat, & ad Batavos extollit nomina Reges.
 Quin Vos, si modò quæ dextrâ fecistis & armis,
 Voce vacat verbisque graves recitare labores ;
 Dicite, (nam nos ambiguus male decipit error,
 Falsaque cum veris nullo discrimine miscet)
 Dicite quas tandem strages furor edidit Anglus :
 Quas atra flamma, vadis aut quas absorbit imis
 Unda rates : quas vos animas misistis ad Orcum.
 Dicite ; ab æquoreis quoniam nunc fluctibus omnes
 Tutò excessistis, terrâ portuque recepti.

* *Anglici,*
medals.

Dixit. At ingentem miratrix turba favorem
 Ingeminat, plauditque cavæ latus omne carinæ.
 Illum autem excipiens placido *Delavallus* ab ore
 Sic orditur : --- " Ab his bellicæ marisque periclis
 Servatum, patriæque domos urbesque videntem,
 Ut gessisse prius, sic nunc me gesta referre

Qua-

Qualiacunque decet; jubeas modo Tu Pater, & Vos,
Dia corona, duces. Novistis ut agmine nuper
 Disjecto, & fusi ruerent trans cœrula Galli:
 Ut premerent trepidosque minis instantibus hostes
 Urgerent velis celeres remisque Britanni:
 Tum mea me fortuna, & Jupiter æthere summo
 Disponens pugnae casus, fortisque cruentas,
 In vada demisit contermina Normannorum
 Finibus, infidoque jacentia littora tractu.
 Tres ibi non bene firmato munimine naves
 Hæreret, atque ipsi laceras insistere ripæ,
 Sed vix obscurâ lucis conspeximus umbrâ.
 Ergo diu incertis quos fors objecerat hostes,
 Quæ loca quæ tenuere rates, quæ lintea ferrent,
 Convenit expectare diem solemque reversum.
 Quamvis tum duram cupidâ spe tortus & irâ
 Noctem ageret miles; cœlum execratus iniquum,
 Astraque, & optatam celantia sidera prædam.
 Jamque Aurora procul rubicundos alma capillos
 Extulit, Eoisque refulsit splendida campis;
 Cum mox *Cherburgum*, & priscae notissima famæ
 Oppida, lux aperit lætis manifesta Britannis.
 Tum vero cœlum clamore & littus & undas
 Concutiunt; ubi jam conspectu clarus in ipso
Torvillus, magnæ dejectus lumina frontis,

Accu-

Acculansque deos frustra, & teterrima fata,
 Parvo lintre miser puppem sociosque relinquit.
 Infelix! nam quo fugeret; quas iret in oras,
 Nuncius acceptæ cladis, classemque fugatam
 Commemorans, merfosque undis, *sua crimina*, Gallos²
 Nos avidi interea manibus comprehendere totis,
 Et spoliū lustrare oculis; accedimus omnes,
 Æquoreas propius turres, molemque stupentes
 Immanem, & triplici constructas ordine proras.
 Præcipuè ante alias multo Prætoria puppis
 Robore, Sculpturæque opere, & fulgentibus auri
 Emicuit radiis: libuitque agnoscere, *verè*
 Galliæ *lumen* gentis, *Solemque* vocatam.
 Sed veros radios, & lumen verius illi
 Angligenæ dedimus; * piceas dum nempe paramus
 Jungere naviculas, *calido* quas Mulciber olim
 Numine donarât; seque intra viscera totum
 Insinuans, venis *æternum* afflaverat ignem.
 Transmittunt illæ mortem, atque incendia vibrant
 Hostili hærentes lateri; flammeumque furorem
 Culmine malorum summo, & per transtra propagant.
 Latè æquor, late Tellus Normannica splendet
 Ignibus; atque ultro lucem diffundimus *illis*,
Illis unde genus cuncti deduximus, *arvis*.
Scilicet, ut veteris videant facta inclita prolis;

* Naves ig-
 maris.

Et quam magnanimos olim emisere colonos.

Ergo ubi consumptæ violento ardore carinæ
 Amissis passim tabulis lignisque paterent ;
 Vis illic inimicarum perrumpit aquarum,
 Fataque *bis* miseros perimunt *contraria* nautas.
 Heu mala Fortunæ ludibria! Tunc quoque, Tunc *Sol*
Gallicus atque unâ Parilinæ gloria terræ
 Occidit. At verus non Phœbus veriùs unquam
Stridit, & æquoreis merfus *se extinxit* in undis.
 Illum mirabunda suo Thetis alma recepit
 In gremio; tandemque sibi vix credula, jurat
 Vel non esse suum, vel mutatum esse maritum.

Hæc sunt quæ vestris feci *Delavallius* armis,
 Marsque meo voluit committi prælia ductu.
 Quinetiam ipse Pater longè majora peregit ;
 Et si fortè libet, referet majora *Rufellus*.

Talibus inde pius verbis *Ruffellius* inquit.
 "Tempus erat, cum Mars Gallos respexit iniquus,
 Et jam cuncta sequi victos vexilla juberent:
 Dux tunc Ipse Ducem per saxa per invia primus
 Querebam: *insignes* animus præcepit honores,
 Et *Spolia* Angliacis promissit *opima* columnis.
 Sed satis ô focii, quoniam istam Numina laudem
 Majori dextræ, atque tibi *Delavalle* dederunt.
 Me verò ultorem pariter fera Gallia sensit,

* *Hogiacusque finus*; tumido qui littore fidens
 Et curvata suis extendens brachia Nymphis,
 Vim tamen est madidis flammarum expertus in antris.
 Illic ter quinas trepidâ statione receptas,
 Et jam vix aurâs pugnâ contendere puppes
 Perdidit ignis atrox, & miles atrocior igne
 Dii superi! horresco referens, animoque recordans!
 Nemo olim Siculum permenfus navita Pontum.
 Talia flammivomâ spectacula vidit in Ætnâ.
 Nec tales atro eructantem ex ore favillas
 Territa Campanum mirata est Roma Vesevum.
 Instar montis enim rutilus caput extulit ardor,
 Ultra Alpes longè fummiq; cacumina *Tauri*.
Dorsaque convexæ superans altissima terræ,
Illuxit quæis non *Sol* unquam *illuxerit* oris;
Uniusque dedit radios spectare diei.
 Cætera quis tando expediat miracula rerum?
 Ut Tethys, Nereusque pater, Nereiue forores
 Horruerint liquidis illata incendia regnis:
 Ut freta defererent calefactas *sauicia* ripas;
 Brachiaque *ambustus* contraxerit *Ennosigæus*.
 At mihi tum ingentem movit Fortuna dolorem,
 Quæ versare rotam, miserisque illudere gestit;
 Ut prope vexillis splendentia castra Britannis,
 Signaque proscripti vidissem stare *Jacobi*.

* *La Hogue.*

Et subiit: "*Sic* dat Parisinus scepra tyrannus?

"*Sic* illum in solium, regnumque reponit avitum?

Hinc virtute aucti, patriisque hæc tanta colonis

Facta relaturi, certatim lintea retro

Lintea fausta damus; pennasque addentibus auris

Portu Victricem properamus condere classem.

Sæpe tamen medios extantes æquore malos,

Arvaeque adhuc tepido latè nigrantia fumo

Respicimus lætis oculis; *Hogamque* jubemus

Perpetuum *hoc* nostri signum fervare furoris.

Finierat. Celsis confurgunt armipotentes

Ordinibus proceres: qualisque relinquere mensam

Fortè Jovis soleat cœlestum turba clientum;

Augustique omnes venerari dicta Tonantis:

Tales gaudentes illi rumore secundo

Exultant; *unà* extensas ad sidera *palmas*

Russellumque ferunt; *unà* repetita faventes

Omina *Russello* conclamant, & *Delavallo*.

Concilio egressi *Port-moutho* in littore lucent

Diis geniti Heroes; sursum capita ardua tollunt

Conspicui, dextrisque suis armisque decori.

Quales & Medea furens, & Phafidos unda,

Æetesque feros stupuit pater Argonautas;

Egregiam cum Theffalico Jasone juventam.

Sed jam cærulei gradientes trans vada Ponti

Forte juvat lustrare rates, oculisque notare
 Quæ laceras magis antennas, & cassâ gerentes
 Fragmina, quæ plures Bombos ferrique catervas
 Perpeffe, æternam patriæ obtinuere salutem.

Prima cicatrices, & honestis vulnera costis
 Subridens aperit longè *Ruffellica pinus*;
 Quæque ducem excelsâ *Delavallum* in puppe ferebat.
 Tu quoque *Londino* nomen quæ ducis ab *urbe*,
Ipsa Urbs, extructasque ferens in culmine turres;
 Nunc istas turres, & densas faucia quercus,
 Ostendis pro Rege tuo quid feceris *Ipsa*;
 Quid *cives populusque tuus* fecisse volebant.
 Protinus hinc *utero* infelix *Catharina* fatiscit;
 Et quondam *steriles* Caroli testatur amores.
 Ast illinc *Sandvica* pio suffusa pudore,
 Navigii oblita, & malorum oblita suorum,
 Præcipue *Hastingum*, & dominum deplorat ademptum.
 Necnon & clavum tabulataque fracta dolebat,
 Quamvis *Numinibus* secet æquora *rite vocatis*
Centurio; præclara ratis seu cernere bello,
 Seu remis agere, & cursu prævertere ventos.
 Ante omnes *Magni* cognomine dicta *Wilhelmi*
 Horruit, & lato truncata patebat hiatu
 Quæ vehit *Armifonum* generosa carina *Shorvellum*.
 Illa memor divini humerum temerasse *Magistri

* *Gulielmi*
Regis.

Hostilem (*Boyno* facinus testante) Sagittam;

Par sibi met vulnus *smilique* in parte receptum

Gaudet, & avulsam jactat nunc æmula proram.

Has tum conspiciens *placidâ* Ruficellus in *actâ*,

"Ite, ait, egregiæ meritis vos ite carinæ!

"Quas posthac superas cum fortè attollet in auras

"Jupiter, astra locans inter, stellasque micantes;

"Cedet, & ipsa sibi necquicquam plauserit Argo

"Prima quod intactas velis tentaverat undas.

Sic ait, & lentâ grandis spatiaturo arenâ.

Ast illum affulgens radio Sol vidit amico:

Candidus illi æther gestit ridere, Polusque:

Illius Urbs resonat laudes: comitantur euntem

Aura favens populi, vulgique sequentis amores.

Hæc Ego rurisonam nuper modulatus avenam

Vel propter vada *Cherwelli*, vel propter amœnam

Isida, *Wilhelmo* cecini, cecinique *Mariae*.

Quin Vos Magnorum Par ô cœleste Deorum,

Quos frustra sibi nunc comites emere omnibus *astris*,

Indigenasque petit cupidi regio æmula cœli;

Pergite anhelanti requiem prohibere *Camææ*,

Et nova lassatas in carmina poscite vires.

Tu Batavas ducens acies, aciesque Britannas

Liligerasque urbes, inimicaque moenia pulsans

Victor adhuc tendas; & nullo in fine laborum

Cæsar acervatos condas Mavortie lauros.

At tu, Diva, tuis quæ dividis æqua Britannis

Jura, domique colis pulchram Pulcherrima pacem;

Tu *Conjuratos* populi contunde furores:

Tu pedibus folium, dextræque assuefcito sceptrum.

F I N I S.
